

摘藻堂四庫全書薈要

集部

欽定四庫全書薈要

御選歷代詩餘卷五十三目錄

起八十六字
至九十字

洞仙歌 又一體

蔡伸

前調 又一體

趙長卿

前調 又一體

吳文英

呂直夫

促拍滿路花

又一體

呂巖

趙師俠

二首

華胥夢

又一體

方千里

楊澤民

陳允平

張炎

奚臧

江城梅花引

李獻能

受恩深

柳永

鶴沖天

又一體

杜安世

洞仙歌

又一體

康與之

謝懋

惜紅衣

吳文英

離別難

薛昭蘊

鵲橋仙

又一體

柳永

芳草渡

又一體

陳允平

江城梅花引

又一體

王觀

洪皓

前調

又一體

吳文英

陳允平

周密

二首

張翥

瑞鷓鴣

又一體

柳永

八六子

又一體

秦觀

勸金船

蘇軾

玉人歌

楊炎

羽仙歌

又一體

潘昉

梅花引

又一體

蔣捷

惜紅衣

又一體

姜夔

張炎

鶴冲天

又一體

柳永

醉思仙

呂渭老

采桑子慢

蔡伸

醉思仙

入一體

孫氏

雪獅兒

程垓

魚游春水

無名氏

馬莊父

盧祖皋

趙聞禮

探芳信

又一體

張炎

李彭老

惜紅衣

又一體

李萊老

石湖仙

姜夔

孤鸞

又一體

張翥

遠朝歸

趙耆孫

疊青錢

無名氏

八六子

又一體

楊纘

卜算子 又一體

鍾輻

柳永

芳草渡 又一體

周邦彥

滿江紅

呂渭老 二首

八六子 又一體

杜牧

采桑子慢

又一體

潘元質

吳文英

二首

前調

又一體

吳禮之

王京秋

周密

法曲獻仙音

又一體

張大烈

謝池春慢

張先

李之儀

探芳信

又一體

史達祖

吳文英

三首

蔣捷

遙天奉翠華引

侯寔

一枝花

辛棄疾

鵲踏花翻

徐渭

御選歷代詩餘卷五十三目錄

欽定四庫全書薈要卷二萬七百三十一

集部

御選歷代詩餘卷五十三

起八十六字至九十字

洞仙歌

又一體雙詞

八十六字

洞仙歌

蔡伸

鶯鶯燕燕本是于飛伴
風月佳時阻幽願
但人心堅固
後天也憐人相逢處
依舊桃花人面
綠牕攜手乍簾
幙重重燭影搖紅
夜將半對尊前如夢欲語魂驚語未

竟已覺衣襟淚滿我只是相思特特來這度更休推後
回相見

前調

又一體

趙長卿

芟荷已老菊與芙蓉未一夜秋容上巖桂間繁蕪嫩黃
染就瓊瑰開未足已早香傳十里從前分付處明月
清風不用斜暉照佳麗歎浮花徒解咤淺白深紅爭似
我瀟灑堆金積翠看天闊秋高露華清見標致風流更
無塵意

前調

又一體

吳文英

芳辰良宴人日春朝竝細縷青絲裹銀餅更玉犀金綵
沾座分簪歌圍暖梅靨桃脣鬪勝露房花曲折鶯入
新年添箇宜男小山枕待枝上飽東風結子成陰藍橋
去還覓瓊漿一飲料別館西湖最情濃爛畫舫月明醉
宮袍錦

前調

呂直夫

征鞍帶月濃露沾襟袖馬上輕衫峭寒透望翠峰深淺

憶著睂兒腰肢嬾忍看風前細柳 別時頻囑付早寄

書來能及清明到家否這言語便夢裏也在心頭重相
見不知伊瘦儂瘦縱百卉千花已離披須趁得酴醾壯
丹時候

促拍滿路花

又一體雙調

八十六字

促拍滿路花

呂 巖

秋風吹渭水落葉滿長安茫茫塵世裏獨清閒自然鑪

鼎虎繞與龍盤九轉丹砂就一粒刀圭便成陸地神仙
任萬釘寶帶貂蟬富貴欲熏天黃梁炊未熟夢驚殘
是非海裏直道作人難袖手江南去白蘋紅蓼又尋湓
浦廬山

前調

跳珠亭

趙師俠

栽春花爛漫疊石翠巒岼小亭相對倚數峰寒主人尋
勝接竹引清泉鑿破蒼苔地一掬泓澄六花疑是深淵
向閒中百慮脩然情事寄鳴絃爐香陪茗盃可忘言

噴珠濺雪歷歷聽潺潺塵世知何計不老朱顏靜看日
月跳丸

前調

瑞隆亭

趙師俠

連枝蟠古木瑞蔭映晴空桃江江上景古今同忙中取
靜心地儘從容埽盡荆榛蔽結屋誅茆道人一段家風
任鳥飛兔走匆匆世事亦何窮官閒民不擾更年豐
簞瓢雲水時與話西東真樂誰能識兀坐忘言浩然天
地之中

華胥夢

又一體雙調
八十六字

華胥夢

方千里

長亭無數羈客將歸故園換葉乳鴨隨波輕萍滿渚時
共唼接眼春色何窮更櫓聲伊軋思憶前歡未言心已
愁怯 欺鬢吳霜恨星星又還羞鑷錦紋魚素那堪重
翻再閱粉指香痕依舊在繡裳鴛篋多少相思皺成眉
上千疊

前調

楊澤民

征車將動愁不成歌對顰翠葉靜掩蘭房香鋪臥鴨煙
罷唼別後羞看霓裳更把箏休軋頻數更籌乍寒孤枕
偏怯常爲霜髭弄纖纖向人輕鐫舊詞新句幽牕時
時竝閱藥餌衣衾愁頓放一番行篋早晚歸家又煩春
筍重疊

前調

陳允平

涵空斜照掠水輕嵐滿天紅葉鴈泊平蕪鳬依荒荻聲

啞啞寂寞金井梧桐漸輓轡伊軋明月紗窓夜寒孤枕
應怯吟老西風笑衰髯頓已如鐏錦箋鄭重頻別蘭
燈自關多謝征衫初寄尚實香薰篋愁憶家山夢魂飛
度千疊

前調

題畫牡丹梨花

張炎

溫泉浴罷酣酒纔甦洗妝猶濕薄暮雲深瑤臺月下逢
太白素衣初染天香對東風傾國惆悵東闌炯然玉樹
獨立只恐江空頓忘却錦袍清逸柳迷歸院欲遠花

妖未得誰寫一枝澹雅傍沉香亭北說與鶯鶯怕人錯
認秋色

前調

奚滅

澄空無際一幅輕綃素秋弄色翦翦天風飛飛萬里吹
淨碧遙想玉杵芒寒聽珮環無迹圓缺何心有心偏向
歌席多少情懷甚年年共憐今夕蕊宮珠殿還吟飄
香秀筆隱約霓裳聲度認紫霞樓笛獨鶴歸來更無清
夢成覓

江城梅花引

雙調八十六字一名攤破江城子
合江城子梅花引二調為一調也

江城梅花引

李獻能

漢宮嬌額倦塗黃
試新妝
立昭陽
萼綠仙姿高髻碧羅裳
翠袖捲紗閒倚竹
暝雲合
瓊枝薦暮涼
璧月浮香
搖玉浪
拂春簾
瑩綺牕
冰肌夜冷滑無粟
影轉斜廊
冉冉孤鴻煙水渺
渺三湘
青鳥不來天也老
斷魂夢清霜
靜楚江

受恩深

受或作愛雙

詞八十六字

受恩深

柳永

雅致裝庭宇黃花開澹泞細香明豔盡天與助秀色堪
餐向曉自有真珠露剛被金錢妒擬買斷秋天容易獨
步粉蝶無情蜂已去要上金尊惟有詩人曾許待宴
賞重陽恁時盡把芳心吐陶令輕回顧免憔悴東籬冷
煙寒雨

鶴沖天

又一體雙調
八十六字

鶴沖天

杜安世

清明天氣永日愁如醉
臺榭綠陰濃
薰風細
燕子巢方就
盆池小新荷
蔽恰是
逍遙際
單夾衣裳半籠軟
玉肌體
石榴吐豔
一撮紅綃
比牕外
數修篁
寒相倚
有箇關心處
難相見
空凝睇
行坐深閨裏
嬾更妝梳
自知新來憔悴

洞仙歌

又一體雙調

八十七字

洞仙歌

康與之

若耶溪路別岸花無數欲斂嬌紅向人語與綠荷相倚
恨回首西風波淼淼三十六陂煙雨新妝明照水汀
渚生香不嫁東風被誰誤遣跼蹐騷客意千里緜緜仙
浪遠何處凌波凝步想南浦潮生畫橈歸正月曉風清
斷腸凝佇

前調

春雨

謝慙

愁邊雨細漠漠天如醉
搖颺游絲晚風外釀輕寒和暝
色花柳難勝春自老誰管啼紅斂翠
關情潛入夜斜濕簾櫳幾處挑燈耿
無寐念陽臺當日事好伴雲來因
箇甚不入襄王夢裏便添起寒潮捲
長江又恐是離人斷腸清淚

惜紅衣

雙調八十七字宋姜夔自度曲以紅衣半狼籍句名調也但姜詞八十八字此則少一字

惜紅衣

遊苔雪
間誌感

吳文英

鷺老秋絲蘋愁暮雪鬢那太白倒柳移栽如今暗溪碧
烏衣細語傷伴惹葦紅曾約南陌前度劉郎尋流花蹤
跡朱樓水側雪面波光汀蓮沁顏色當時醉近繡箔
夜吟三十六磯重到清夢冷雲南北買釣舟溪上應有
煙蓑相識

離別難

武后時有士人妻沒入掖庭善吹簫蓑乃撰此曲
一名大郎神一名悲知子一名愁回鵲然唐人教

坊樂府所傳皆五言七言絕句至薛昭
蘊始有離別難之詞雙調八十七字

離別難

薛昭蘊

寶馬曉鞦韆鞍羅幃乍別情難那堪春景媚送君千萬
里半妝珠翠落露華寒紅蠟燭青絲曲偏能勾引淚闌
干良夜促香塵綠魂欲迷檀睂半斂愁低未別心先
咽欲語情難說出芳草路東西揺袖立春風急櫻花楊
柳雨淒淒

鵲橋仙

又一體雙調

八十七字

鵲橋仙

柳永

屈征途攜書劍迢迢匹馬東去慘離懷嗟少年易分難
聚佳人方恁繾綣便忍分鴛侶當媚景算密意幽歡盡
成輕負此際寸腸萬緒慘愁顏斷魂無語和淚眼片
時幾番回顧傷心脈脈誰訴但黯黯凝竚暮煙寒雨望
秦樓何處

芳草渡

又一體雙調
八十七字

芳草渡

陳允平

芳草渡漸迤邐分飛鴛鴦儔鳳侶灑一枝香淚梨花寂寞
春雨惜別情思苦匆匆深盟訴翠浪遠六幅蒲帆縹緲
東去夕陽冉冉恨逐潮回南浦路漫空念歸來燕子
雙棲舊庭戶市橋細柳尚不減少年張緒漸瘦損嬾照
鏡鸞對舞

江城梅花引

又一體雙調
八十七字

江城梅花引

王觀

年年江上見寒梅。幾枝開。暗香來。疑是月宮仙子下瑤臺。冷豔一枝春在手。故人遠。相思切。寄與誰。怨極恨極。玉蕊念此情。家萬里。暮霞散綺。楚天碧。幾片斜飛。爲我多情。特地點征衣。花易飄零人易老。正心碎。那堪聞塞管吹。

前調

次王通
雙韻

洪皓

天涯除館憶江梅幾枝開使南來還帶餘杭春信到燕
臺準擬寒英聊慰遠隔山水應銷落赴愬誰空恁遐
想笑摘蕊斷回腸思故里漫彈綠綺引三弄不覺魂飛
更聽青笳哀怨淚沾衣亂插繁花須異日待孤諷怕東
風一夜吹

前調

又一體贈
倪梅村

吳文英

江頭何處帶春歸玉川迷路東西一鴈不飛雪壓凍雲
低十里黃昏成曉色竹根籬分流水過翠微帶書傍

月自鉏畦苦吟詩生鬢絲半黃細雨翠禽語似說相思
惆悵孤山花盡草離離半幅寒香家住遠小簾垂玉人
誤聽馬嘶

前調

和白雲趙宗
簿自度曲

陳允平

雨餘芳草碧蕭蕭暗春潮蕩雙橈紫鳳青鸞舊夢帶文
簫綽約珮環風不定雲欲墮六銖香天外飄 相思爲
誰蘭恨銷縹緲湘魂無處招素紉猶在真真意還倩誰描
舞鏡空懸羞對月明宵鏡裏傷心心裏月君去矣舊東

風新畫橋

前調

次韻
二首

周密

舞紅愁碧晚蕭蕭
溯回潮竚仙橈
風高露寒飛下紫霞
簫一鴈遠將千里
信懷渺渺翦愁雲
風外飄酒醒未
醒香旋銷采江離
吟楚招情縈芳草
梅魂冷月影空描
錦瑟瑤尊空度可
憐宵二十四橋
愁倚徧空悵望短
長亭短長橋

前調

周密

鴈霜苔雪冷飄蕭斷魂潮送輕橈翠袖朱樓清語夢瓊
簫江北江南雲自碧人不見淚花寒向雨飄愁多病
多腰素銷倚清琴調大招江空年晚淒涼句遠意難描
月冷花陰心事負春宵幾度問春春不語春又到舊西
湖第幾橋

前調

張翥

玉兒睡起幺蒙頭更嬌柔見郎羞綳袂仙人一笑豔明
眸粉瘦紅慙春夢斷畫闌畔對西風憶舊遊憶卿恨

卿思悠悠怕淒涼不耐秋
豔絕韻絕香又絕特地風流
宜與雲鬢雙插倚妝樓月
又漸低霜又冷花似雪滿蒼
苔總是愁

瑞鷓鴣

又一體雙調
八十八字

瑞鷓鴣

柳 永

寶髻瑤簪嚴妝巧天然綠
媚紅深綺羅叢裏獨逞謳吟
一曲陽春定價何啻值千金
傾聽處王孫帝子鶴蓋成

陰 凝態掩霞襟動象板聲聲怨思難任嘹唳處回壓
絃管低沉時恁迴眸歛黛空役五陵心須信道緣情寄
意別有知音

八六子

又一體雙調八十
八字一名感黃鵠

八六子

秦觀

倚危亭恨如芳草萋萋剗盡還生念柳外青驄別後水
邊紅袂分時愴然暗驚 無端天與娉婷夜月一簾幽

夢春風十里柔情奈回首歡娛漸隨流水素絃聲斷翠
綃香減那堪片片飛花弄晚濛濛殘雨籠晴正銷凝黃
鸝又啼數聲

勸金船

雙調八

十八字

勸金船

蘇軾

無情流水多情客勸我如曾識杯行到手休辭却這公
道難得曲水池上小字更書年月如對茂林修竹似永

和節 纖纖素手如霜雪笑把秋花插尊前莫怪歌聲
咽又還是輕別此去翱翔偏賞玉堂金闕欲問再來何
歲應有華髮

玉人歌

雙調八
十八字

玉人歌

楊炎

西風起又老盡離花寒輕香細漫題紅葉句裏意誰會
長天不恨江南遠苦恨無書寄最相思盤橘千枚膾鱸

十尾 鴻鴈阻歸計算愁滿離腸十分豈止倦倚闌干
顧影在天際凌煙圖畫青山約總是浮生事判從今買
取朝醒夕醉

羽仙歌

又一體雙調
八十八字

羽仙歌

潘 耆

雕檐綺戶倚晴空如畫曾是吳王舊臺榭自浣紗人去
後落日平蕪行雲斷幾見花開花謝 淒涼闌檻外一

簇青山多少圖王共爭霸莫閒愁金杯潋灩對酒當歌
歡娛地夢中曾騰休話漸倚徧西風晚潮生明月裏鷺
鷺背人飛下

梅花引

又一體雙調
八十八字

梅花引

荆溪
阻雪

蔣捷

白鷗問我泊孤舟是身留是心留心若留時何事鎖眉
頭風拍小簾燈暈舞對閒影冷清清憶舊遊憶舊遊

舊遊今在否花外樓柳下舟夢也夢也夢不到寒水空
流漠漠黃雲濕透木棉裘都道無人愁似我今夜雪有
梅花似我愁

惜紅衣

又一體雙調
八十八字

惜紅衣

吳興
荷花

姜夔

簟枕邀涼琴書換日睡餘無力細灑冰泉并刀破甘碧
牆頭換酒誰問訊城南詩客岑寂高樹晚蟬說西風消

息 虹梁水陌魚浪吹香紅衣半狼籍維舟試望故國
渺天北可惜渚邊沙外不共美人遊歷問甚時同賦三
十六陂秋色

前調

贈妓
雙波

張炎

兩翦秋痕平分水影炯然冰潔未識新愁睂心倩人貼
無端醉裏通一笑柔花盈睫癡絕不解送情倚銀屏斜
瞥長歌短舞換羽移宮飄飄步回雪扶嬌倚扇欲把
豔懷說爲語杜郎重到只慮空江桃葉但數峰猶在如

傍那家風月

鶴冲天

又一體雙調

八十八字

鶴冲天

柳永

黃金榜上偶失龍頭望明代暫遺賢如何向未遂風雲
便爭不恣游狂蕩何須論得喪才子詞人自是白衣卿
相煙花巷陌依約丹青屏障幸有意中人堪尋訪且
恁偎紅倚翠風流事平生暢青春都一晌忍把浮名換

了淺斟低唱

醉思仙

雙調八

十八字

醉思仙

呂渭老

斷人腸正西樓獨上愁倚斜陽趁鴛鴦鸕鷀兩兩池塘
春又老人何處怎慣不思量到如今瘦損我又還無計
禁當 小院呼盧夜當時醉倒殘釭被天風吹散鳳翼
難雙南牕雨西牕月尚未散拂天香聽鶯聲悄記得那

時舞板歌梁

采桑子慢

即醜奴慢雙

調八十九字

采桑子慢

蔡伸

明眸秀色別是天真瀟灑更鬢髮堆雲玉臉澹拂輕霞
醉裏精神衆中標格誰能畫當時攜手花籠澹月重門
深亞 巫峰夢回已成陳事豈堪重話謾贏得羅襟清
淚鬢邊霜華念傷懷凭闌煙水渺無涯秦源目斷碧雲

暮合難認仙家

醉思仙

又一體雙調
八十九字

醉思仙

宋媛
孫氏

霄霞紅看山迷暮景煙暗孤松動翩翩風袂翻若驚鴻
心似鑒鬢如雲弄清影月明中 謾悲涼歲冉冉薜蘿華
潛改衰容前事消凝久十年光景匆匆念雲軒一夢回
首春空彩鳳遠玉簫寒夜悄悄恨無窮歎黃塵久埋玉

斷腸灑淚東風

雪獅兒

一名獅兒詞雙

調八十九字

雪獅兒

程垓

斷雲低晚輕煙帶暝風驚羅幙數點梅花香倚雪牕搖
落紅爐對誰正酒面瓊酥初削雲屏暖不知門外月寒
風惡迤邐慵雲半掠笑盈盈閒弄寶箏絃索暝極生
春已向橫波先覺花嬌柳弱漸倚醉要人扶著低告託

早把被香熏却

魚游春水

雙調八十九字唐詞紀載防河卒于濬汴日得一石刻有詞無調名遂撫詞中四字名之卽所傳無名氏一詞是也

魚游春水

無名氏

秦樓東風裏燕子還來尋舊壘餘寒猶峭紅日薄侵羅綺嫩草方抽碧玉茵媚柳輕窄黃金縷鶯嚶上林魚游春水幾曲闌干偏倚又是一番新桃李佳人應怪歸遲梅妝淚洗鳳簫聲絕沉孤鴈望斷清波無雙鯉雲山

萬重寸心千里

前調

馬莊父

池塘生春草數盡歸鴻人未到天涯目斷青鳥尚賒音
耗曉月頻窺白玉堂暮雨還濕青門道巢燕引雛乳鶯
空老庭際香紅倦埽乾鵲休來枝上噪前回準擬同
它翻成病了欲題紅葉憑誰寄獨把孤桐無心操眉間
翠攢鬢邊霜早

前調

盧祖皋

離愁禁不去好夢別來無覓處風翻征袖觸目年芳如
許軟紅塵裏鳴鞭銓拾翠叢中勾伴侶都負歲時暗關
情緒昨夜山陰杜宇似把歸期驚倦旅遙知樓倚東
風凝顰暗數實香飄拂遺鴛錦心事悠悠尋燕語芳草
暮寒亂花微雨

前調

趙聞禮

青樓臨遠水樓上東風飛燕子玉鈎珠箔密密鎖紅關
翠翦勝裁幡春日戲簇柳簷花元夜醉閒憶舊歡漫撩

新淚 羅帕啼痕未洗愁見同心雙鳳翅長安十日輕
寒春衫未試過盡征鴻知幾許不寄蕭郎書一紙愁腸
斷也箇人知未

探芳信

又一體雙調八十

九字一名西湖春

探芳信

西湖春感
寄草窓

張炎

坐清晝正冶思縈花餘醒倦酒甚采芳人老芳心尚如
舊銷魂忍說銅駝事不是因春瘦向西園竹埽頽垣蔓

延荒甃 風雨夜來驟 歎孤冷鶯簾恨凝蛾岫愁到今
年多似去年否 賦情嬾聽山陽笛 目極空搔首我何堪
老却江潭深柳

前調

湖上春遊次
張叔夏韻

李彭老

對芳晝甚怕冷添衣傷春疎酒正緋桃如火相看自依
舊閒簾深掩梨花雨誰問東陽瘦幾多時漲綠鶯枝墮
紅鴛甃 堤上寶鞍驟記草色薰晴波光搖岫蘇小門
前題字尚存否繁華短夢隨流水空有詩千首更休言

張緒風流似柳

惜紅衣

又一體雙調
八十九字

惜紅衣

寄弁陽翁

李萊老

笛送西泠帆過杜曲晝陰芳綠門巷清風還尋故人出
屋蒼華髮冷笑瘦影相看如竹幽谷煙樹曉鶯訴經年
愁獨殘陽古木書畫歸船匆匆又南北賓洲鷗鷺素
熟舊盟續甚日浩歌招隱聽雨弁陽同宿料重來時候

香蕩幾灣紅玉

石湖仙

此姜夔自度曲也
雙調八十九字

石湖仙

壽石湖居士

姜夔

松江煙浦是千古三高遊行佳處須信石湖仙侶鵝夷
翩然引去浮雲安在我自愛綠香紅舞容與看世間幾
度今古盧溝舊曾駐馬爲黃花閒吟秀句見說吳兒
也學綸巾蔽雨玉友金蕉玉人金縷緩移箏柱聞好語

明年定在槐府

孤鸞

又一體雙調

八十九字

孤鸞

題仙女梅
下吹笛圖

張翥

江皋空闊更半霎輕風些兒微雪倚竹仙姬翠袖暮寒
應怯閒拈玉龍自品愛冰姿與花爭潔一闌霓裳乍了
又落梅初疊怕曲終人去彩雲飛絕便夢斷瑤臺春
思愁結那堪綠毛幺鳳向苔枝數聲啼咽留得餘香滿

袂已西山斜月

遠朝歸

雙調八

十九字

遠朝歸

梅

趙耆孫

金谷先春見乍開江梅玉膩珠簾院落人靜雨疎煙細
橫斜帶月別是一般風味金尊裏任遺英亂點殘粉低
墜惆悵秦隴當年念水遠天長故人難寄山城倦眼
無緒更看桃李當時醉魄算依舊徘徊花底斜陽外謾

回首畫樓十二

疊青錢

雙調八

十九字

疊青錢

無名氏

夏日正長無奈如焚天氣火雲聳奇峰天外未雨先雷
畏日流金六龍高駕火輪飛紋簟紗幮風車漫攬月扇
空揮金爐煙細午風輕轉堪避炎威漸涼生池閣卷
起簾幙珠璣嬌娥美麗天然秀色冰肌曲闌深徑荷香

旖旎玉管聲齊

八六子

又一體雙調
八十九字

八六子

楊 纘

怨殘紅夜來無賴雨催春去匆匆但暗水新流芳恨蝶
悽蜂慘千林嫩綠迷空那知國色還逢柔弱華清扶倦
輕盈洛浦臨風細認得凝妝點脂勻粉露蟬聳翠蕊
金團玉成叢幾許愁隨笑解一聲歌轉春融眼朦朧凭

闌干半醉醒中

卜算子

又一體雙調八十
九字或加慢字

卜算子

鍾輻

桃花院落煙重露寒寂寞禁烟晴晝風拂珠簾還記去
年時候惜春心不喜閒牕繡倚屏山和衣睡覺醺醺暗
消殘酒獨倚危闌久把玉筍偷彈黛蛾輕闌一點相
思萬般自家甘受抽金釵欲買丹青手寫別來容顏寄

與使知人清瘦

前調

柳永

江楓漸老汀蕙半凋滿目敗紅衰翠楚客登臨正是暮
秋天氣引疎砧斷續殘陽裏對晚景傷懷念遠新愁舊
恨相繼脈脈人千里念兩處風情萬里煙水雨歇天
高望斷翠峰十二儘無言誰會憑高意縱寫得離腸萬
種奈歸雲難寄

芳草渡

又一體雙調
八十九字

芳草渡

周邦彥

昨夜裏又再宿桃源醉邀仙侶聽碧牕風快疎簾半卷
愁雨多少離恨苦方留連啼訴鳳帳曉又是匆匆獨自
歸去愁顧滿懷淚粉瘦馬衝泥尋去路漫回首煙迷
望眼依稀見朱戶似癡似醉暗惱損憑欄情緒澹暮色
看盡栖鴉亂舞

滿江紅

雙調八十九字唐冥音錄載曲名上江紅後轉易二字韻必平仄獨用不可兼用若換韻互用韻者皆非

滿江紅

呂渭老

晚浴新涼風蒲亂松梢見月庭陰盡暮蟬啼歇螢遶井
闌簾入燕荷香蘭氣供搖蕙賴晚來一雨洗浮塵無此二
熱心下事峰重疊人甚處星明滅想行雲應在鳳凰
城闕曾約佳期同菊蕊當時共指燈花說據眼前何日
是西風涼吹葉

前調

呂渭老

笑語移時風影亂半簾寒日鮮明是晚來妝飾共說西
園攜手處小橋深竹連苔色到如今梧葉染清霜封行
跡春未透梅先拆人縱健時難得想明年虛過上元
寒食數著佳期愁入眼雨珠零亂梨花濕任翠鬟敲側
背斜陽鳴瑤瑟

八六子

又一體雙
調九十字

八六子

杜牧

洞房深畫屏燈照山色凝翠沉沉聽夜雨冷滴芭蕉驚
斷紅牕好夢龍煙細飄繡衾辭恩久歸長信鳳帳蕭疎
椒殿閒局輦路苔侵繡簾垂遲遲漏傳丹禁薜華偷
悴翠鬢羞整愁坐望處金輿漸遠何時綵仗重臨正消
魂梧桐又移翠陰

采桑子慢

又一體雙
調九十字

采桑子慢

潘元質

愁春未醒還是清和天氣對濃綠陰中庭院燕語鶯啼
數點新荷翠鈿輕泛水平池一簾風絮才晴又雨梅子
黃時忍記那回玉人嬌困初試單衣共攜手紅牕描
繡畫扇題詩怎有而今半牀明月兩天涯章臺何處多
應爲我感損雙睂

前調

登飛翼
樓觀雲

吳文英

東風未起花上纖塵無影峭雲濕凝酥深塢乍洗梅清
鈎捲游絲冷浮虹氣海波明若耶門閉扁舟去嬾客思

鷗輕 幾度問春倡紅冶翠空媚陰晴看真色千巖一
素天澹無情醒眼重開玉鈎簾外曉峰青相扶輕醉越
山更上臺最高層

前調

雙清樓

吳文英

空濛乍斂波影簾花晴亂正西子梳妝樓上鏡舞青鸞
潤逼風襟滿湖山色入闌干天虛鳴籟雲多易雨長帶
秋寒 遠望翠凹隔江時見越女低鬟算堪羨煙沙白
鷺暮往朝還歌管重城醉花春夢半香殘乘風邀月持

杯對影雲海人間

前調

又一體
秋別

吳禮之

金風顫葉那更餞別江樓聽淒切陽關聲斷楚館雲收
去也難留萬重煙水一扁舟錦屏羅幌多應換得蓼岸
蘋洲凝想恁時歡笑傷今萍梗悠悠謾回首玉人何
處春戀無由先自悲秋眼前景物只供愁寂寥情緒也
恨分淺也悔風流

玉京秋

雙調九

十字

玉京秋

周密

煙水濶高林弄殘照晚蜩淒切碧砧度韻銀牀飄葉衣
濕桐陰露冷採涼花時賦秋雪難輕別一襟幽事砌蟲
能說客思吟商還怯怨歌長瓊壺暗缺翠扇疎紅衣
香褪翻成銷歇玉骨西風恨最恨閒却新涼時節楚簫
咽誰倚西樓澹月

法曲獻仙音

又一體雙
調九十字

法曲獻仙音

張大烈

陰送槐柯香飄蓮幕簾外棋聲敲度手倦拋書困有松
風竹簾輕穿繡戶正夢到羲皇處芭蕉數聲細雨休
思慮喜三徑幽間多趣少事綠蟻可共交歡理瑤琴驚
池裏鴛鴦飛翥香肌無暑御蜀紉不勞揮素待月上花
梢載涼畫船歸去

謝池春慢

雙調九

十字

謝池春慢

張先

繚牆重院時聞有啼鶯到繡被掩餘寒畫幕明新曉朱
檻連空闊飛絮無多少徑沙平池水渺日長風靜花影
閒相照塵香拂馬逢謝女城南道秀豔過施粉多媚
生輕笑鬪色鮮衣薄碾玉雙蟬小歡難偶春過了琵琶
流怨都入相思調

前調

李之儀

殘寒消盡疎雨過清明後花逕款餘紅風沼縈新皺乳
燕穿庭戶飛絮沾襟袖正佳時仍晚晝著人滋味真箇
濃如酒 頻移帶眼空只恁懨懨瘦不見又思量見了
還依舊爲問頻相見何似長相守天不老人未偶且將
此恨分付庭前柳

探芳信

又一體雙
調九十字

探芳信

史達祖

謝池曉被酒殢春眠詩縈芳草正一堦梅粉都未有人
埽細禽啼處東風軟嫩約關心早未燒燈怕有殘寒故
園稀到 說道試妝了也爲我相思占他懷抱靜數牕
櫺最忺聽鵲聲好半年白玉臺邊話屢見瓊鈎小指芳
期夜月花陰夢老

前調

賀雲麓秘閣滿月

吳文英

探春到見綵花釵頭玉燕來早正紫龍眠重明月弄清
曉夜塵不沁銀河水金盞供新澡鎮帷屏護緊東風秀

藏芝草 星斗燦懷抱問霧暝藍田玉長多少禁苑傳
香柳邊語聽鶯報片雲飛趁春潮去紅軟長安道試回
頭一點蓬萊翠小

前調

吳文英

爲春瘦更瘦如梅花花應知否任枕函雲墜離懷半中
酒雨聲樓閣春寒裏寂寞收燈後甚年年鬪草心期探
花時候 嬌嬾強拈繡暗背裏相思閒供晴晝玉合羅
囊蘭膏漬透紅豆舞衣疊損金泥鳳妒折闌干柳幾多

愁兩點天涯遠岫

前調

吳文英

轉芳徑見霧捲晴漪魚弄游影旋解纓濯翠臨枰撫瑤
軫修林竹色花香處意足多新詠試把龍脣供來時舊
寒纔定門巷都深靜但酒敵曉寒暮消日永舊曲猗
蘭待留向月中聽藻萍密布官溝水任汎流紅冷小闌
干笑拍東風醉醒

前調

菊

蔣捷

醉吟嘯似有人黃裳孤竚塵表漸老侵芳歲識君恨不
早料應陶令吟魂在凝此秋香妙傲霜姿尚想前身倚
牕餘傲 回首憶少年控駿馬花邊紅鞵茸帽澹泊東
籬有誰肯夢飛到正襟三誦悠然句聊遣花微笑酒休
賒醒眼看花正好

遙天奉翠華引

雙調九
十字

遙天奉翠華引

侯寘

雲消樓外山正秦淮翠蘊回瀾香梢豆蔻紅輕猶怕春
寒曉光浮畫戟捲繡簾風煥玉鈎閒紫府仙人花園羽
帔星冠蓬萊閭苑意倦游常戲人間佩麟江左舊都
襦袴歌歡只恐催歸覲宴清都休訴酒杯寬明歲應看
君鈞容舞袖歌鬟

一枝花

雙調九

十字

一枝花

醉中
戲作

辛棄疾

千丈擎天手萬卷懸河口黃金腰下印大如斗更千騎
弓刀揮霍遮前後百計千方久似鬪草兒童羸箇他家
偏有 算枉了雙眉長皺白髮空回首那時間說向山
中友看丘壑牛羊更辨賢愚否且自栽花柳怕有人來
但只道今朝病酒

鵲踏花翻

雙調九十字明

徐渭自度曲也


鵲踏花翻

美人解

徐渭

鑼鼓聲頻街坊眼慢不知怎上高高騎生來少骨多筋
軟陡騰翻依稀略借鞍和轡作時鶻打雪風天佇猶燕
掠桃花地下地不動些兒珠翠堪描耐舞軍裝伎多
少柳外妖嬈樓中笑指顛倒金釵墜無端歸路又逢誰
斜陽繫馬陪他醉

御選歷代詩餘卷五十三



總校官庶吉士臣張能照

校對官庶吉士臣陳墉

謄錄監生臣浦煊

欽定四庫全書薈要

集部

御選歷代詩餘卷五十四

五

詳校官編修臣汪鏞



欽定四庫全書薈要

御選歷代詩餘卷五十四目錄

起九十一字
至九十三字

滿江紅 又一體

呂渭老

呂本中

葉夢得 二首

嚴羽

戴山隱



醉翁操

又一體

蘇軾

辛棄疾

八六子

又一體

晁補之

采蓮令

柳永

夏雲峰

柳永

十二時慢

朱雍

淒涼犯

又一體

吳文英

法曲獻仙音

又一體

柳永

尉遲杯

晁補之

意難忘

蘇軾

周邦彥

陳允平

張炎

林正大

二首

何夢桂

范晞文

宋遠

塞翁吟

周邦彥

方千里

楊澤民

吳文英

陳允平

張炎

趙文

露華

張翥

法曲獻仙音

又一體

周邦彥

姜夔

方千里

楊澤民

吳文英

陳允平

王沂孫

張炎

李彭老

樓采

勸金船

又一體

張先

漢宮春

陳允平

宣清

柳永

金盞倒垂蓮

晁補之

轆轤金井

劉過

探芳新

吳文英

東風齊著力

張大烈

雪獅兒

又一體

張雨

掃花遊

王沂孫

薄媚摘遍

趙以夫

滿江紅

又一體

吳文英

二首

詹正

彭芳遠

如魚水

柳永

臨江仙

又一體

柳永

浣溪紗慢

周邦彥

瀟湘夜雨

趙長卿

梅子黃時雨

張炎

惜秋華

吳文英 二首

前調 又一體

吳文英 二首

露華憶

周密

探春

吳文英

淒涼犯

又一體

姜夔

卜算子慢

又一體

張先

滿庭芳

黃公度

玉漏遲

蔣捷

洞仙歌

又一體

僧寶月

輓轡金井

又一體

劉過

御選歷代詩餘卷五十四目錄

欽定四庫全書薈要卷二萬七百三十二集部

御選歷代詩餘卷五十四

起九十一字至九十三字

滿江紅

又一體雙調

九十一字

滿江紅

呂渭老

燕拂危檣斜日外數峰凝碧正暗潮生渚暮風飄席初
過南村沽酒市連空十頃菱花白想故人輕簾障遊絲
聞遙笛魚與鴈通消息心與夢空牽役到如今相見

怎生休得斜把琵琶傳密意一襟新月橫空碧問甚時
同作醉中仙煙霞客

前調

呂本中

東里先生家何在山陰溪曲對一川平野數間茆屋昨
夜江頭新雨過門前流水清如玉抱小橋回合柳參天
搖新綠疎籬下叢叢菊虛檐外蕭蕭竹歎古今得失
是非榮辱須信人生歸去好世間萬事何時足問此春
春釀酒何如今朝熟

前調

重陽賞菊時
余已除代

葉夢得

一朶黃花先催報秋歸消息滿芳枝凝露為誰裝飾便
向尊前拚醉倒古今同是東籬側問何須特地賦歸來
拋彭澤 回首去年時節開口笑真難得使君今那更
自成行客霜鬢不辭重插滿他年此會何人憶記多情
曾伴小闌干親攀摘

前調

葉夢得

雪後郊原煙林外梅花初拆春欲半猶自探春消息一

眼平蕪看不盡夜來小雨催新碧笑去年攜酒折花人
花應識 蘭舟漾城南陌雲影澹天容窄遶風漪十頃
暝浮晴色恰是槎頭收釣處坐中仍有江南客問如何
兩槳下苕溪吞雲澤

前調

送廖叔
仁赴闕

嚴羽

日近觚稜秋漸滿蓬萊雙闕正錢塘江上潮頭如雪把
酒送君天上去瓊琚玉珮鵷鴻列丈夫身富貴等浮雲
看名節 天上事吾能說今老矣空凝絕對西風慷慨

唾壺歌缺不灑世間兒女淚難堪親友中年別問相思
他日鏡中看蕭蕭髮

前調

戴山隱

醉倚紅樓長空外行雲遙駐甚淒涼孤吹引商刻羽薄
夜冷侵沙浦鴈老龍吟徹寒潭雨薦涼颼一陣捲潮來
驚飛去重欲聽知何處誰為我胡牀據謾尋尋覓覓
凝情如許舊日山陽猶有恨杏花明月今誰賦恐憑闌
人有愛梅心空愁佇

醉翁操

又一體雙調

九十一字

醉翁操

蘇軾

琅然清圓誰彈響空山無言惟翁醉中和其天月明風
露娟娟人未眠荷蕢過山前曰有心也哉此賢醉翁
笑詠聲和流泉醉翁去後空有朝吟暮怨山有時而童
巔水有時而回川思翁無歲年翁今為飛仙此意在人
間試聽徽外三兩絃

前調

辛棄疾

長松之風如公肯余從山中心與吾兮誰同湛湛千里之江上有楓噫送子於東望君之門兮九重女無悅已誰適為容不龜手藥或一朝兮取封昔與遊兮皆童我獨窮兮今翁一魚兮一龍勞心兮忡忡噫命與時逢子之所食兮萬鍾

八六子

又一體雙調

九十一字

八六子

重九呈
祖禹叔

晁補之

喜秋晴澹雲縈縷天高羣鴈南征正露冷初減蘭紅風
緊潛彫柳翠愁人漏長夢驚重陽景物淒清漸老何
時無事當歌好在多情暗自想朱顏並遊同醉宦名疆
鎖世路蓬萍難相見賴有黃花滿把從教綠酒深傾醉
休醒醒來舊愁旋生

采蓮令

雙調九

十一字

采蓮令

柳永

月華收雲澹霜天曙西征客此時清苦翠娥執手送臨
岐軋軋開朱戶千嬌面盈盈竚立無言有淚斷腸爭忍
回顧一葉蘭舟便恁急槳凌波去貪行色豈知離緒
萬般方寸但飲恨脈脈同誰語更回首重城不見寒江
天外隱隱兩三煙樹

夏雲峰

雙調九

十一字

夏雲峰

柳永

宴堂深軒楹雨輕壓暑氣低沉花洞彩舟泛竿坐繞清
潯楚臺風快湘簟冷永日披襟坐久覺疎絃脆管時換
新音越娥蕙態蘭心逞妖豔昵歡邀寵難禁筵上笑
歌間發舄履交侵醉鄉深處須盡興滿酌高吟向此免
名韁利鎖虛費光陰

十二時慢

雙調九十一字即十二

時長調故加慢字也

十二時慢

梅

朱雍

粉痕輕謝池泛玉波暖琉璃初展靚靚芳塵冥春浦水
曲漪生遙岸麝氣柔雲容影淡正日邊寒淺閒院寂幽
管聲中萬感併生心事曾陪瓊宴春暗南枝依舊但
得當初繾綣畫永亂英繽紛解珮映人輕盈面香暗酒
醒處年年共副良願

淒涼犯

又一體雙調九十一字亦名瑞鶴仙引引或作影與瑞
鶴仙無涉姜夔自度實九十三字此亦後人所損也

淒涼犯

賦重臺
水仙

吳文英

空江浪闊清塵凝層層刻碎冰葉水邊照影華裾曳翠
露搔淚濕湘煙暮合塵韞凌波半涉怕臨風欺瘦骨護
冷素衣疊樊姊玉奴恨小鈿疎脣洗妝輕怯殢人最
苦粉痕深幾重愁靨花溢香濃猛熏透霜綃細摺倚瑤
臺十二金錢暈半滅

法曲獻仙音

又一體雙調

九十一字

法曲獻仙音

柳永

追想秦樓心事當年便約于飛比翼悔恨臨歧處正攜
手翻成雲雨離析念倚玉偎香前事慣輕擲慣憐惜
饒心性正厭厭多病柳腰花態嬌無力早是乍清減別
後忍教愁寂記取盟言少愁煎剩好將息遇佳景臨風
對月事須時恁相憶

尉遲杯

雙調九

十一字

尉遲杯

晁補之

去年時正愁絕過却紅杏飛沉吟杏子青時追悔負好
花枝今年又春到傍小闌日日數花期花有信人却無
憑故教芳意遲遲及至待得融怡未攀條拈蕊又歎
春歸怎得春如天不老更教花與月相隨儘歸路拍手
攔街笑人沉醉如泥

意難忘

仙呂曲也取以名

調雙調九十二字

意難忘

蘇軾

花擁鴛房記拖肩髻小約鬢眉長輕身翻燕舞低語轉
鶯簧相見處便難忘肯親度瑤觴向夜闌歌翻郢曲帶
換韓香別來音信難將似雲收楚峽雨散巫陽相逢
情有在不語意難量些箇事斷人腸怎禁得恁惶待與
伊移根換葉試又何妨

前調

周邦彥

衣染鴛黃愛停歌駐拍勸酒持觴低鬟蟬影動私語口

脂香檐露滴竹風涼
拚劇飲淋浪夜漸深
籠燈就月子
細端相
知音見說無雙解
移宮換羽未怕周郎長顰
知有恨貪耍不成妝
些箇事惱人腸
試說與何妨
又恐伊尋消聽息瘦損容光

前調

次周美成韻

陳允平

額粉宮黃襯桃花扇底歌
送瑤觴裙拖金縷細衫唾碧
花香瓊珮冷玉肌涼
羅襪步滄浪漫共伊心盟意約眼
覷省相
連環未結雙雙似桃源誤入初嫁劉郎瓏璁

仙子髻綽約道家妝千種恨九迴腸雲雨夢猶妨誤少年紅消翠減虛度風光

前調

張炎

風月吳娃柳陰中認得第二香車春深妝減豔波轉影
流花鶯語滑透紋紗有低唱人誇怕誤却周郎醉眼倚
扇佯遮底須拍碎紅牙聽曲終奏雅可是堪嗟無人
知此意明月又誰家塵滾滾老年華情付在琵琶更歎
我黃蘆苦竹萬里天涯

前調

括李白
蜀道難

林正大

蜀道登天望峨眉橫絕石棧相連西來當鳥道逆浪俯
回川猿與鶴莫攀緣九折聳層巒算咫尺捫參歷井回
首驚歎西遊何日當還聽子規啼月愁減朱顏連峰
天一握飛瀑壑爭喧排劒閣越天關豺虎橫朝昏問錦
城雖云樂土何似家山

前調

括黃庭堅
煎茶賦

林正大

洶洶松風更浮雲皓皓輕度春空精神新發越賓主少

從容犀箸厭滌昏
惜茗盃策奇功待試與平章
甲乙為問涪翁
建谿日鑄爭雄笑
羅山梅嶺不數嚴
邛胡桃添味永
甘菊助香濃
投美劑與和同
雪滿兔甌溶便一枕
莊周蝶夢安樂窩中

前調

何夢桂

避暑林塘數元戎
小隊一簇紅妝旌
旛雲影動簾幙水
沉香金縷徹玉肌
涼慢拍舞輕颺更
一般輕絃細管孤
竹空桑風姨昨夜
癡狂向華峰吹落
雲錦天裳波神

藏不得散作滿池芳
移綵鷁柳陰傍
拚一醉淋浪向晚
來歌闌飲散月在紗牕

前調

范晞文

清淚如鉛歎咸陽送遠
露冷銅仙巖花紛墮
雪津柳暗生煙寒食後
暮江邊草色更芊芊
四十年留春意緒不
似今年
山陰欲棹歸船暫停杯
雨外舞劒燈前重逢
應未卜此別轉堪憐
憑急管倩繁絃思苦
調難傳望故鄉都將往事付與啼鵑

前調

題樟鎮華光閣誌別

宋遠

雞犬雲中笑，種桃道士虛費春風。
山城看過鴈，春水夢為龍。
雲上下燕西東，久別各相逢。
向夜深江聲浦樹，燈影漁篷。
舊游新悶重，重便十分談笑，一樣飄蓬。
玄經推意氣，丹鼎賺英雄。
年易老，世無窮，春事苦匆匆。
更與誰題詩藥市，沽酒新豐。

塞翁吟

義取塞上翁事琴操也遂以名詞雙調九十二字

塞翁吟

周邦彥

暗葉啼風雨。牕外曉色。隴牕散水。麝小池東。亂一岸芙蓉。
蘄州簾展。雙紋浪。輕帳翠縷如空。夢遠別淚痕重。澹鉛臉斜紅。
忡忡嗟顚顚。領新寬帶結。羞豔冶都消鏡中。
有蜀紙堪憑。寄恨等今夜。灑血書詞。翦燭親封。菖蒲漸老。
早晚成花。教見薰風。

前調

次周美成韻

方千里

暮色催更鼓。庭戶月影。隴牕散水。麝小池東。亂一岸芙蓉。
蘄州簾展。雙紋浪。輕帳翠縷如空。夢遠別淚痕重。澹鉛臉斜紅。
忡忡嗟顚顚。領新寬帶結。羞豔冶都消鏡中。
有蜀紙堪憑。寄恨等今夜。灑血書詞。翦燭親封。菖蒲漸老。
早晚成花。教見薰風。

蓉雲屏幾軸江南畫香篆燼煖煙空睡起處繡衾重尚
殘酒微紅 忡忡徑分散歌稀宴少懷麗質渾如夢中
苦寂寞離情萬緒似秋後怯雨芭蕉不展愁封何時細
語此夕相思曾對西風

前調

芙蓉次周
美成韻

楊澤民

院宇臨池水橋邊遶水隴腮橋左右水西東水木兩芙
蓉低疑洛浦凌波步高如弄玉凌空葉百疊蕊千重更
都染輕紅 忡忡能消盡憂心似結看豔色渾如夢中

為愛惜芳容未盡好移去滿插家園特與培封年年對
賞朝朝披翫麗質香風

前調

饒梅津除
郎赴闕

吳文英

有約西湖去移棹曉折芙蓉算終是稱心紅染不盡薰
風千桃過眼春如夢還認錦疊雲重弄晚色舊香中旋
撐入深叢從容情猶賦冰車健筆人未老南屏翠峰
轉河影浮槎信早素妃叫海目歸來太液池東紅衣卸
了結子成蓮天勁秋濃

前調

次周美成韻

陳允平

睡起鸞釵彈金約鬢影朧朧檐珮冷玉丁東鏡裏對芙蓉秦箏倦理梁塵暗惆悵燕子樓空山萬疊水千重一葉漫題紅
忡忡從別後殘雲斷雨餘香在鮫綃帳中更懊恨燈花無準寫幽悵錦織回文小字斜封無人為託欲倩賓鴻立盡西風

前調

友雲

張炎

交到無心處出岫細話幽期看流水意俱遲且澹薄相交

依凌霄未肯為霖去物外共鶴忘機迷古洞掩晴暉翠
微濕紅衣 飛飛垂天翼飄然萬里愁日暮佳人未歸
尚記得巴山夜雨耿無語共說生平都付陶詩休題五
朶莫問陽臺不贈相思

前調

趙文

坐對梅花笑還記初度年時名利事總成非謾老矣何
為吳山夜月閩山霧回首鬢影如絲嬾更問斗牛箕強
憑醉成詩 閒思嗟漂泊浮雲飛絮曾跌蕩春風柘枝

便萬里金臺築就已長分采藥龐公誓墓羲之百年政
爾一笑尊前兒女牽衣

露華

雙調九

十二字

露華

玉簪
花

張翥

瀛洲種玉總付與花神月底深斲琢就瑤笄光映鬢雲
斜亸幾度借取搔頭別試漢宮妝束風露冷幽香半襟
淡佇闌曲 亭亭雪豔愁獨愛粉沁冰筒暖撚金粟石

上那回磨斷爭忍輕觸一自楚客歸來珠履舊遊誰續
秋夢起殘妝半簪墜綠

法曲獻仙音

又一體雙調九十二字有以
下半闋起韻屬上者非是

法曲獻仙音

周邦彥

蟬咽涼柯燕飛塵縠漏閣籤聲時度倦脫綸巾困便湘
竹桐陰半侵庭戶向抱影凝情處時聞打牕雨 耿無
語歎文園近來多病情緒嬾尊酒易成間阻縹緲玉京

人想依然京兆眉嫵翠幙深中對徽容空在紈素待花
前月下見了不教歸去

前調

張彥功
官舍

姜夔

虛閣籠寒小簾通月暮色偏憐高處樹隔離宮水平馳
道湖山盡入樽俎奈楚客淹留久砧聲帶愁去屢回
顧過秋風未成歸計誰念我重見冷楓紅舞喚起淡妝
人問逋仙今在何許象筆鸞牋甚而今不道秀句怕平
生幽恨化作沙邊煙雨

前調

次周美成韻

方千里

庭葉飄寒砌蟲催織夜色迢迢難度細剔燈花再添香
獸淒涼洞房朱戶見鳳枕羞孤另相思灑紅雨有誰
語道年來為郎憔悴音問隔回首後期尚阻寂寞兩愁
山鎖閒情無限顰嫵嫩雪消肌試羅衣寬盡腰素問何
時夢裏趁得好風飛去

前調

次周美成韻

楊澤民

汀蓼收紅井梧凋綠嚶嚶征鴻南度靜聽寒砧悶敲孤

枕蟾光夜深窺戶露暗滴芭蕉重蕭蕭本非雨
砌蛩語怎知人漏長無寐念遊子惆悵路修道阻蚤起嬾晨
妝自秋來省黛誰無淨几明牕但無慘空對蠻素早知
伊別後恁久悔教輕去

前調

和丁宏
菴韻

吳文英

落葉霞翻敗牕風咽暮色淒涼深院瘦不關秋淚緣生
別情銷鬢霜千點悵翠冷搔頭燕那能語恩怨紫簫
遠記桃枝向隨春渡愁未洗鉛水又將恨染粉縞澀離

相忍重拈燈夜裁翦望極藍橋綵雲飛羅扇歌斷料鸞
籠玉鎖夢裏隔花時見

前調

次周美成韻

陳允平

油幕收塵素紉招月一枕蘋香微度枕玉牙牀浣冰金
斛薰風夜涼牕戶漸睡醒明河暗芭蕉幾聲雨對誰
語念徽容已成憔悴心期悞歸計欲成又阻寂寞燕樓
空想弓彎看黛慵嫵淚墨愁牋縱回文難寫情素便山
遙水邈幾度夢魂飛去

前調

聚景亭梅
次草窗韻

王沂孫

層綠戔戔纖瓊皎皎倒壓波痕清淺過眼年華動人幽
意相逢幾番春換記喚酒尋芳處盈盈褪花晚已消
黯況淒涼近來離思應忘却月明夜深歸輦荏苒一枝
春恨東風人似天遠縱有殘花灑征衣鉛淚都滿但殷
勤折取自遣一襟幽怨

前調

席上聽琵琶有感

張炎

雲隱山暉樹分溪影未放妝臺簾捲篝密籠香鏡圓窺

粉花深自然寒淺正人在銀屏底琵琶半遮面語聲
軟且休彈玉關愁恐怕喚起西湖那時春感楊柳古灣
頭記小憐隔水曾見聽到無聲漫贏得情緒難翦把一
襟心事散入落梅千點

前調

梅次周
草窗韻

李彭老

雲木槎枒水荇搖落瘦影半臨清淺翠羽迷空粉容羞
曉年華柱絃頻換甚何遜風流在相逢共寒晚總依
黯念當時看花游冶曾錦纜移舟寶箏隨輦池苑鎖荒

涼嗟事逐鴻飛天遠香徑無人任蒼蘚黃塵自滿聽鴉
啼春寂暗雨瀟瀟吹怨

前調

樓采

花匣么絃象匳雙陸舊日留歡情意夢到銀屏恨裁蘭
燭香篝夜闌鴛被料燕子重來地桐陰鎖牕綺倦梳
洗暈芳鈿自羞鸞鏡羅袖冷煙柳畫闌半倚淺雨壓荼
蘼指東風芳事餘幾院落黃昏怕春鶯驚笑憔悴倩柔
紅約定喚取玉簫同醉

勸金船

又一體雙調

九十二字

勸金船

流杯堂
倡和

張先

流泉宛轉雙開竇帶染輕紗皺何人暗得金船酒擁羅
綺前後綠定見花影並照與豔妝爭秀行盡曲名休更
再歌楊柳 先生飛動搖瓊甃隔障笙簫奏須知短景
歡無足又還過清晝翰閣遲歸來傳騎恨留住難久異
日鳳凰池上為誰思舊

漢宮春

雙調九

十二字

漢宮春

芍藥

陳允平

開盡荼蘼正桑雲麥浪天氣如秋南國露梢半坼金粟
絲頭溫香傍酒儘多嬌不識春愁鶯院悄輕陰弄晚何
人堪伴清遊偏愛紫蕤黃裊想金壺勝賞依舊揚州
花前夜闌醉後翻堦句好記玄暉此日風流雙鬢改一
枝花底如今應為花羞

宣清

雙調九

十二字

宣清

柳永

殘月朦朧小宴闌珊歸來輕寒森森背銀釭孤館乍眠
擁重衾醉魄猶噤永漏頻傳前歡已去離愁一枕暗尋
思舊追遊神京風物如錦念擲果朋儕絕纓宴會當
時曾痛飲命舞燕翻翻鳳樓鴛寢玉釵亂橫信任散盡
高陽這歡娛甚時重恁

金盞倒垂蓮

雙調九

十二字

金盞倒垂蓮

寄霸帥
楊仲謀

晁補之

休說將軍解彎弓掠地崑嶺河源綵筆題詩綠水映紅
蓮算總是風流餘事會須行樂芳年只有一部隨軒脆
管繁絃多情舊遊尚憶寄秋風萬里鴻鴈天邊未學
元龍豪氣笑求田也莫為庭槐興歎便傷搖落悽然後
會一笑猶堪醉倒花前

輓轡金井

一名四犯翦梅花一名錦園春一名月城春雙調九十二字
此調紉於劉過兩用醉蓬萊復合雪獅兒解連環故曰四犯

輓轡金井

席上贈馬
僉判舞姬

劉過

翠睂重拂後房深自喚小蠻嬌小繡帶羅垂報濃妝纔
了堂虛夜悄但夜約鼓簫聲鬧一曲梅花尊前舞徹梨
園新調高陽醉山未倒看鞦飛鳳翼釵褪微溜秋滿
東湖更西風涼早桃源路杳記流水泛舟曾到桂子香
濃梧桐影轉月寒天曉

採芳新

雙調九

十二字

採芳新

吳中元日承
天寺遊人

吳文英

九街頭正軟塵潤酥雪消殘溜襖賞祇園花豔雲陰籠
畫層梯空麝散擁凌波縈翠袖歎年端連環轉爛漫遊
人如繡腸斷迴廊竚久便寫意濺波傳愁蹙岫漸沒
飄鴻空惹閒情春瘦椒杯香乾醉醒怕西牕人散後暮
寒深遲迴處自攀庭柳

東風齊著力

雙調九

十二字

東風齊著力

除夕

張大烈

爆竹驚寒疎梅送臘歲轉韶華振天簫鼓喧闐在鄰家
處處桃符貼換簪方勝秀隱嬌娃迎春早寶釵端整玉
鬢排斜 心事暗中誇惟願取箕疇斂福頻加金尊滿
祝初添海屋霞且飲今宵歲酒膽瓶開明日鮮花全收
來隔簾春色澹柳抽芽

雪獅兒

又一體雙調

九十二字

雪獅兒

張雨

含香弄粉便勾引遊騎尋芳城南城北別有西村斷港
冰漸微綠孤山路熟伴老鶴晚先尋宿怕凍損三花兩
蕊寒泉幽谷幾翻花影濯足記歸來醉臥雪深平屋
春夢無憑鬢底鬧蛾爭撲不如圖畫相對展官梅風竹
燒黃獨自聽鉶笙調曲

掃花遊

雙調九

十二字

掃花遊

綠陰

王沂孫

小庭蔭碧遇驟雨疎風剩紅如掃翠交徑小問攀條弄
蕊有誰重到謾說青青比似花時更好怎知道一別漢
南遺恨多少清晝人悄悄任密護簾寒暗迷牕曉舊
盟悞了又新枝嫩子總隨春老漸隔相思長亭路香攪
懷抱聽蒙茸數聲啼鳥

薄媚摘徧

雙調九

十二字

薄媚摘徧

趙以夫

桂香消梧影瘦黃菊迷深院倚西風看落日長江東去
如練先生底事有賦飄然剛道為田園獨醒何為持杯
自勸未能免休把茱萸吟翫但管年年健千古事幾
凭闌吾生九十強半歡娛終日富貴何時一笑醉鄉寬
倒載歸來迴廊又月滿

滿江紅

又一體雙調九十

三字亦名上江紅

滿江紅

湖潏山

吳文英

雲氣樓臺分一派
滄浪翠蓬開小景
玉盆寒浸巧石盤
松風送流花時過
岸浪搖晴棟欲飛
空算蛟宮祗隔一
紅塵無路通
神女駕臨曉風明月珮響丁東對兩蛾
猶鎖怨綠煙中秋色未教飛盡鴈夕陽長是墜疎鐘
又一聲欸乃過前巖移釣筒

前調

錢方蕙
岩赴闕

吳文英

竹下門敲又呼起蝴蝶夢清閒裏看鄰牆梅子幾度仁
生燈外江湖多夜雨月邊河漢獨晨星向草堂侵曉卷
琴書猿鶴驚宮漏靜朝馬鳴西風起已關情料希音
不在女瑟媧笙蓮蕩折香花未晚野舟橫渡水初晴看
高鴻飛上碧雲中秋一聲

前調

牡丹

詹正

翠袖餘寒早添得銖衣幾重何須怪年華都謝更為誰

容銜盡吳花成鹿苑人間不恨雨和風便一枝流落到
人家清淚紅 山霧濕倚薰籠垂匊葉鬢酥融恨宮雲
一朵飛過空同白日長閒青鳥在楊家花落白蘋中間
故人忍更負東風尊酒空

前調

風前
斷笛

彭芳遠

愁滿關山又吹得蘆花雪深西樓外天低水湧龍挾秋
吟回首人間無此曲數峰江上落餘音似斷雲飛絮兩
悠悠何處尋 江南路晴又陰聲韻改淚盈襟自中郎

去後羽泛商沉牛背夕陽添別恨鸞膠秋月續琴心待
醉騎黃鶴度蒼寒霜滿林

如魚水

雙調九

十三字

如魚水

柳永

輕靄浮空亂峰倒影潏潏十里銀塘遶岸垂楊紅樓朱
閣相望芰荷香雙雙戲鷗鵲鴛鴦乍雨過蘭芷汀洲望
中依約似瀟湘風澹澹水茫茫動一片晴光畫舫相

將盈盈紅粉清商紫薇郎修禊飲且樂仙鄉便歸去徧
歷鸞坡鳳沼此景也難忘

臨江仙

又一體雙調

九十三字

臨江仙

柳永

夢覺小庭院冷風淅淅疎雨瀟瀟綺牕外秋聲敗葉狂
飄心搖奈寒漏永孤幃悄淚燭空燒無端處是繡衾鴛
枕間過清宵
蕭條牽情繫恨曾向年少偏饒覺新來

憔悴舊日風標魂消念歡娛事煙波阻後約方遙還經
歲問怎生禁得如許無聊

浣溪紗慢

雙調九

十三字

浣溪紗慢

周邦彥

水竹舊院落櫻筍新疏果嫩英翠幄紅杏交榴火心事
暗卜葉底尋雙朶深夜歸青瑣燈盡酒醒時曉牕明釵
橫鬢髩怎生那被間阻時多奈愁腸數疊幽恨萬端

好夢還驚破可怪近來傳語也無箇莫是嗔人呵真箇
若嗔人却因何逢人問我

瀟湘夜雨

雙調九十三字與滿庭芳迥

不同不可以別名混入也

瀟湘夜雨

燈花

趙長卿

斜點銀釭高擎蓮炬夜寒不禁微風重重簾幙捲堂中
香漸遠長煙裊穠光不定寒影搖紅偏奇處當庭月暗
吐焰如虹紅裳呈豔麗娥一見無奈狂蹤試煩他纖

手捲上紗籠開正好銀花照夜堆不盡金粟凝空叮嚀
語頻將好事報與主人公

梅子黃時雨

雙調九

十三字

梅子黃時雨

別羅江
諸友

張炎

流水孤村愛塵事頓消來訪深隱向醉裏誰扶滿身花
影鷗鷺相看如瘦近來不是傷春病歎流景竹外野橋
猶繫煙艇誰引斜川歸興便啼鵲縱少無奈時聽待

棹擊空明漁湖千頃彈到琵琶留不住最愁人是黃昏
近江風緊一行柳陰吹暝

惜秋華

雙調九

十三字

惜秋華

重九

吳文英

細響殘蛩傍燈前似說深秋懷抱怕上翠微傷心亂煙
殘照西湖鏡掩塵沙翳曉影秦鬟雲擾新鴻喚淒涼漸
入紅萸烏帽江上故人老視東籬秀色依然娟好晚

夢趁隣杵斷乍將愁到秋娘淚濕黃昏又滿城雨輕風
小閒了看芙蓉畫船多少

前調

七夕

吳文英

露罥朱絲小樓陰墮月秋驚華鬢宮漏未央當時鈿釵
遺恨人間夢隔西風算天上年華一瞬相逢縱相疎勝
却巫陽無準何處動涼訊聽露井梧桐楚騷成韻綵
雲斷翠羽散此情難問銀河萬古秋聲但望中婺星清
潤輕俊度金鍼漫牽方寸

前調

又一體送
人歸鹽官

吳文英

數日西風打秋林棗熟還催人去瓜果夜深斜河擬看
星度匆匆便倒離尊悵遇合雲消萍聚留連有殘蟬韻
晚時歌金縷綠水暫如許奈南牆冷落竹煙槐雨此
去杜曲已近紫霄尺五扁舟夜泊吳江正水珮霓裳無
數省嫵問別來解相思否

前調

木芙蓉

吳文英

路遠仙城自玉郎去却芳卿憔悴錦段鏡空重鋪步幃

新綺凡花瘦不禁秋
幻膩玉腴紅鮮麗
相攜試新妝乍
畢交扶輕醉
長記斷橋外
驟玉驄過處
千嬌凝睇
昨夢頓醒
依約舊時
看翠愁邊
暮合碧雲
倩唱入六幺聲
裏風起舞
斜陽闌干十二

露華憶

雙調九

十三字

露華憶

和寄
聞韶

周密

曉消蕙雪漸水紋漾錦雲澹波容岸香
玉蕊新枝輕裊

條風次第鴈歸將近愛柳眉桃靨煙濃鴛徑小芳屏聚
蝶翠渚飄鴻六橋舊情如夢記扇底宮眉花下遊驄
選歌試舞連宵戀醉瑤叢怕春早鶯啼醒睡等鈿誰點
愁紅心悄春嬌又入翠峰

探春

或加慢字雙

調九十三字

探春

吳文英

苔徑曲深深不見故人輕敲幽戶細草春回目送流光

一羽重雲冷哀鴈斷翠微空愁蝶舞逞鳴鞭遊蓬小夢
枕殘驚寤還識西湖醉路向柳下並鞍銀袍吹絮事
影難追那負燈牀夜雨冰谿憑誰照影有明月乘興去
暗相思梅孤瘦共江亭暮

淒涼犯

又一體雙調九十三

字亦名瑞鶴仙引

淒涼犯

合肥
秋夕

姜夔

綠楊巷陌西風起邊城一片離索馬嘶漸遠人歸甚處

戍樓吹角情懷正惡更衰草寒煙淡薄似當時將軍部
曲迤邐度沙漠追念西湖上小舫攜歌晚花行樂舊
遊在否想如今翠彫紅落謾寫羊裙等新鴈來時繫著
怕匆匆不肯寄與悞後約

卜算子慢

又一體雙詞

九十三字

卜算子慢

張先

溪山別意煙樹去程日落采蘋春晚欲上征鞍更掩翠

簾回面相眄惜彎彎淺黛長長眼奈畫閣歡遊也學狂
花亂絮輕散水影橫池館對靜夜無人月高雲遠一
晌凝思兩眼淚痕還滿難遣恨私書又逐東風斷縱夢
澤層樓萬丈望湖城那見

滿庭芳

一名鎖陽臺一名滿湘

夜雨雙調九十三字

滿庭芳

黃公度

一徑又分三亭鼎峙小園別是清幽曲闌低檻春色四

時留怪石參差臥虎長松偃蹇擎虬攜筇晚風來萬里
冷撼一天秋 優游消永晝琴尊左右賓主風流且偷
閒不妨身在南州故國歸帆隱隱西崑往事悠悠都休
問金釵十二滿酌聽輕謳

玉漏遲

雙調九

十三字

玉漏遲

贈傅岩
史納娘

蔣捷

翠鴛雙穗冷鶯聲喚轉春風芳景花湧袖香此度徐妝

偏稱水月仙人院宇到處有西湖如鏡煙岫暝纖蔥悞
指蓮峰篁嶺料想小閣初逢正浪拍紅猊袖飛金餅
樓倚斜暉賸把佳期重省萬種惺鬆笑語一點溫柔情
性釵倦整盈盈背燈嬌影

洞仙歌

又一體雙調

九十三字

洞仙歌

僧寶月

廣寒曉駕姑射尋仙侶偷被霜華送將去過越嶺棲息

南枝勻妝面凝酥輕聚愛橫管孤度
隴頭聲盡拚得幽香為君分付水亭山驛衰草斜陽無限行人斷腸處
盡為我留得多情何須待春風相顧任倒斷深思向梨花也無奈寒食幾番春雨

轆轤金井

又一體雙調

九十三字

轆轤金井

劉過

水殿風涼賜環歸正是夢熊華旦疊雪羅輕稱雲章題

扇西清侍宴望黃傘日華龍輦金卷三王玉堂四世帝
恩偏眷 臨安記龍飛鳳舞信神明有後竹梧陰滿笑
折花看橐荷香紅潤功名歲晚帶河與礪山長遠麟脯
杯行狨韉坐穩內家宣勸

御選歷代詩餘卷五十四